

*bænda*  
FERÐIR

# FRÆNDÞJÓÐIN FÆREYJAR



**23. – 27. júní 2025**

**Fararstjórn: Unnur Jensdóttir**

Sérhópur

Færeyjar

## Ferðalýsing

Í þessari frábæru ferð um nágrannaland okkar Færeyjar munum við fá góða yfirsýn yfir eyjarnar og allt það helsta sem þar er að sjá. Gist verður í **Þórshöfn** á Straumey á góðu hóteli. Við skoðum litla bæi, fallegar hafnir og njótum einstaks landslags eyjanna. Farið verður til **Saksunar**. Vinalega þorpið **Tjörnuvík** bíður okkar en þaðan er útsýni yfir til Risans og Kellingarinnar sem eru tveir drangar yst á flóanum milli Austureyjar og Straumeyjar. Við heimsækjum **Klakksvík** á Borðey sem var einkar afskekkt áður en Norðureyjagöngin komu til sögunnar. Á Austurey höldum við á slóðir Þrándar í Götu sem er ein aðalpersónan í Færeyingasögu. Síðast en ekki síst förum við til **Kirkjubæjar**, helsta sögustaðar eyjanna með sínum fornfrægu kirkjum og íbúðarhúsi kóngsbændanna og á **Tinganesi** kynnum við okkur 1100 ára gamlan þingstað Færeyinga.

### 5 dagar | 4 nætur í Þórshöfn



#### 23. júní | Flug til Færeyja & ekið til Þórshafnar

Brottför frá Keflavíkflugvelli kl. 11:45. Mæting u.þ.b. 2,5 klst. fyrir brottför. Lending í Vágum kl. 14:10 að staðartíma. Á leið okkar frá flugvellinum til Þórshafnar tökum við á okkur krók og skoðum byggðina í Gásadal og fáum okkur hressingu í Bøur. Sameiginlegur kvöldverður á hóteli.

#### 24. júní | Straumey & Austurey

Þórshöfn, höfuðstaður Færeyja, er á Straumey en Straumey og Austurey teljast vera meginland Færeyja. Í dag heimsækjum við nyrstu byggðir eyjanna. Við ökum til Saksun en þar var áður fyrr góð höfn með þrönga aðkomu milli ægifagurra, þverhníptrar fjalla. Að loknum góðum tíma þar höldum við yfir til Tjörnuvíkur. Á góðum degi er þaðan einstakt útsýni til Risans og Kellingarinnar, dranganna tveggja sem rísa hátt upp úr sjónum yst á flóanum milli Austureyjar og Straumeyjar. Um þau er til skemmtileg þjóðsaga sem tengist Íslandi. Við höldum áfram yfir Sundini um Eiði til Gjógv sem er lítil byggð nyrst á Austurey. Þar snæðum við hádegisverð í Gjárgarði sem er afar fallegt hótél með torfbaki eins og margar nútímabyggingar í Færeyjum. Höfnin og umhverfið allt er rómað fyrir náttúrufegurð. Á leið okkar aftur til Þórshafnar verður ekið um Funningsfjörð. Áhugasömum gefst færi síðdegis á að skoða mannlífið í bænum og um kvöldið velja gestir sér einhvern af hinum fjölmörgu spennandi veitingastöðum í Þórshöfn. Kvöldverður á eigin vegum.



## 25. júní | Borðey, Klakksvík & Viðey

Í dag förum við til Klakksvíkur á Borðey, næststærsta bæjar Færeyja, sem stendur á mjóu eiði milli tveggja víka. Árið 2006 voru Norðureyjagöngin opnuð en þau eru tæpir 6 km að lengd og tengja Borðey við Austurey. Við skoðum okkur um í gamla bænum og lítum m.a. inn í Christianskirkju sem var vígð árið 1963 og þykir ein glæsilegasta kirkja Færeyja. Á leiðinni til Þórshafnar heimsækjum við Götu en Þrándur í Götu, ein aðalpersóna Færeyingasögu, bjó hér árið 1000. Kvöldverður á eigin vegum.



## 26. júní | Kirkjubær og Tinganes

Ekið verður til Kirkjubæjar sem er merkasti sögustaður eyjanna og verða miðaldakirkjurnar tvær, Magnúsarkirkja og Ólavskirkja, skoðaðar. Litið verður á Reykstovuna sem er í grunninn elsta timburhús í heimi sem enn er búið í. Eftir hádegi skoðum við okkur um á þeim sögufræga stað Tinganesi þar sem Færeyingar stofnuðu þing árið 900 og færeyska landsstjórnin hefur nú aðsetur sitt. Eftir það er frjáls tími í Þórshöfn og gefst þá hverjum og einum tími til að skoða sig betur um. Áhugasamir geta farið með ferju út í Nólsey sem er um 20 mínútum frá Þórshöfn. Kvöldverður á eigin vegum.

## 27. júní | Heimferð



Nú er komið að leiðarlokum, við kveðjum Færeyjar og höldum út á flugvöll í Vágum. Brottför er með flugi kl. 07:45 og er áætluð landing í Keflavík kl. 08:15 að staðartíma.

Fararstjóri getur fært dagskrárliði á milli daga eftir þörfum þegar komið er á staðinn.

## Fróðleikur

Við viljum benda farþegum sérstaklega á áhugaverðar bækur um Færeyjar:

- ✓ **Eyjarnar átján, dagbók úr Færeyjarferð** 1965 eftir Hannes Pétursson. Menningarsjóður 1965.
- ✓ **Lönd og lýðir** eftir Gils Guðmundsson. Bókaútgáfa Menningarsjóðs 1968.
- ✓ **Færeyjar út úr þokunni** eftir Þorgrím Gestsson. Óðinsauga, 2017.



## Verð

245.800 kr. á mann í tvíbýli | 74.000 kr. aukagjald fyrir einbýli.

### Innifalið

- ✓ Flug með Air Atlantic til Færeyja.
- ✓ Flugvallarskattar.
- ✓ Gisting í 2ja manna herbergi með baði.
- ✓ Morgunverður á hótelinu.
- ✓ Einn kvöldverður á hótelinu.
- ✓ Einn hádegisverður í Gjárgarði.
- ✓ Allar skoðunarferðir með rútu samkvæmt ferðalýsingu.
- ✓ Íslensk fararstjórn.



### Ekki innifalið

- ✓ Aðgangseyrir inn í söfn, hallir og kirkjur.
- ✓ Hádegis- og kvöldverðir aðrir en undir innifalið.
- ✓ Þjóf fé.
- ✓ Forfalla- og ferðatryggingar.

